

劍南詩鈔

劍南詩鈔

宋陸游務觀著

昆陵楊大鶴芝田選
侯官許貞幹豫生校

五言絕句

泛瑞安江風濤貼然

俯仰兩青空舟行明鏡中蓬萊定不遠正要一颿風

先主廟次唐貞元中張儼詩韻三首

選一三

猾賊挾至尊天命矜在己豈知高帝業煌煌漢中起

洛陽化為灰棘生銅駝陌討賊志不成父老泣陵柏

廟在惠陵側

雜興四首

選二三

萬物各有時蟋蟀以秋鳴我老自少眠那得憎此聲

漲水入我廬萍葉黏半扉日出水返壑念汝何由歸

移花遇小雨喜甚為賦二十字

獨坐閒無事燒香賦小詩可憐清夜雨及此種花時

小雨

小雨暗林塘寒聲繞畫廊事須求暫假宜睡稱燒香

事須二字蓋唐人公移中語也

梅花絕句十首

選六十

子欲作梅詩當造幽絕境筆端有纖塵正恐梅未肯
山月縞中庭幽人酒初醒不是怯清寒愁躡梅花影

癸丑七月二十七夜夢遊華嶽廟

驛樹秋風急關城暮角悲平生忠憤意來拜華山祠
牲碑偽正朔祠祝虜衣冠神亦豈堪此出門山雨寒

古築城曲

築城聲酸嘶漢月傍城低白骨若不掩高與長城齊
長城高際天三十萬人守一日詔書來扶蘇先授首
百丈築城身千步掘城濠咸陽三月火始悔此徒勞
嶧山訪秦碑斷裂無完筆惟有築城詞哀怨如當日

縱筆五首

選三

溫溫地爐紅皎皎紙窗白忽聞啄木聲疑是敲門客

路傍曲三首

選一三

冷飯雜沙礫，短褐蒙霜露。
黃葉滿山郵，行人跨驢去。
淒涼路旁曲，朱門人不知。
秋街槐葉落，正是斷腸時。

新秋以窗裏人將老門前樹欲秋為韻作小詩十首

選一八

殘暑無多日，幽居近小江。
酒醒中夜起，松月入山窗。
秋風昨夜來，聲滿梧桐樹。
故人渺天末，此夕誰與度。

梅花五首

選三

欲與梅為友，常憂不稱渠。
從今斷火食，飲水讀仙書。

春雨

擁被聽春雨，殘燈一點青。
吾兒歸漸近，何處宿長亭。
湖上新春柳，搖搖欲喚人。
多情今夜雨，先洗馬蹄塵。

柳橋晚眺

小浦聞魚躍，橫林待鶴歸。
閒雲不成雨，故傍碧山飛。

秋興五首

選二四

功名不垂世富貴但堪傷底事杜陵老時時矜省郎
胸中萬卷書一字用不著歸休始太息竟是為農樂

幽事絕句六首

選二

矮紙來吳下長毫出宛陵自書霜夜句持寄剡中僧

春雨四首

選二三四

春陰易成雨客病不禁寒又與梅花別無因一倚欄
胸懷阮步兵詩句謝宣城今夕俱參透焚香聽雨聲
疎點空階雨長明古殿燈廬山岑寂夜我是定中僧

書枕屏四首

選三

甘菊縫為枕疎梅畫作屏改詩眠未穩聞雪醉初醒

雜興四首

選一三

鋤草春愈茂養草秋亦衰不如兩置之榮悴渠有時
碩果墜池響魚隊散無迹空弦可落雁此事蓋自昔

題柴言山水四首

選一

陰陰山木合幽處著柴荆喧中有靜意水車終日鳴春

凍坐

湖海淒涼地風霜慘淡天吾其去道近無酒亦陶然

古意

千金募戰士萬里築長城何時青塚月却照漢家營

夜泊武昌城江流千丈清寧為雁奴死不作鶴媒生

湖山九首

選一二五六七

逐鹿心雖壯乘驪勢已窮終全蓋世氣絕意走江東

項羽廟

湖上多甘井磴泉尤得名何時枕白石靜聽轆轤聲

磴山泉

淺井供茶竈分流浣布沙此泉吾所愛百用給山家

項里民家淺井

故堞無遺迹蕭然數十家茶煙映山起酒帘傍隄斜

古城

江月生眉黛溪梅試額粧幽閨原不出莫道嫁彭郎

柳姑廟

春寒

滔天來降水震瓦戰昆陽此敵猶能禦春寒不可當

高樓墜綠珠惡客碎珊瑚未抵春寒夜貧翁喪故孺

野步二首

選二

水生已抹隄草長復侵路小蝶仍可憐欲下却飛去

劍南詩鈔

宋陸游務觀著

昆陵楊大鶴芝田選
侯官許貞幹豫生校

七言絕句

看梅絕句五首

選三四五

梅花樹下黃茅上古人尚能愛花不月淡煙深聽牧笛死生常事不須愁
一物不向胸次橫醉中談謔坐中傾梅花有情應記得可惜如今白髮生
老子舞時不須拍梅花亂插烏巾香樽前作劇莫相笑我死諸君思此狂
東陽道中

風敲烏帽送輕寒雨點春衫作碎斑小吏知人當著句先安筆硯對溪山
看山

小葦芽淡紫翠間今年偷得半年閒門前木落須霜曉且看西南一角山
盆池

門外江淮湧雪堆埋盆作沼亦何哉免曹不解渠翁意新脫風波險處來

七月十四日夜觀月

不復微雲滓太清浩然風露欲三更開簾一寄平生快萬頃空江著月明

十月苦蠅二首 選二

十月江南未擁爐癡蠅擾擾莫嫌渠細看豈是堅牢物付與清霜為掃除

書室名可齋或問其義作此告之

得福常廉禍自輕坦然無媿亦無驚平生祕訣今相付只向君心可處行

次韻魯山新居絕句二首 選二

短牆缺處插疎籬巷劣容車堂對陂天下有公殊可賀坐中著我不妨奇

送張叔潛編修造朝四首 選四

芒屨年來漸嬾穿閉門日日只高眠今朝出送張夫子借得南鄰放鴨船

泊虎頭灘下

大舟已泊燈火明小舟猶行聞艫聲虎頭崔嵬鹿角橫人生實難君勿輕

秋風亭拜冠萊公遺像二首 選二

豪傑何心後世名材高遇事即崢嶸巴東詩句澶州策信手拈來盡可驚

倚闌

故山未敢說歸期十日相隨又別離小雨初收殘照晚闌干西角立多時

謝張廷老司理錄示山居詩二首

選二

老覺人間萬事非但思茆屋映疎籬秋衾已是饒歸夢更讀山居二十詩

聞杜鵑戲作

半世羈遊厭路歧憑鞍日日數歸期勞君樹杪叮嚀語似勸飢人食肉糜
大安病酒留半日王守復來招不往送酒解醒因小飲江月館

江驛春醒半日留更煩送酒為扶頭柳花漠漠嘉陵岸別是天涯一段愁

和高子長參議道中二絕

選二

豐年食少厭兜啼覓得微官落五谿大似無家老禪衲打包還度棧雲西
自三泉泛嘉陵至利州

日日遘途處處詩書生活計絕堪悲江雲垂地灘風急一似前年上峽時

仙魚鋪得仲高兄書

病酒今朝戴卧輿秋雲漠漠雨疎疎閬州城北仙魚鋪忽得山陰萬里書

雨中過臨溪古堠

道邊相送驛邊迎，水隔山遮似有情。
歲晚無聊莫相笑，君方雨立我泥行。
劍門道中遇微雨

衣上征塵雜酒痕，遠遊無處不消魂。
此身合是詩人未，細雨騎驢入劍門。
過武連縣北柳池，安國院煮泉試日鑄。
顧渚茶院有二泉，皆甘寒傳云唐僖宗幸蜀在道不豫至此飲泉而愈，賜名報國靈泉云三首

選三

我是江南桑苧家，汲泉閒品故園茶。
只應碧缶蒼鷹爪，可壓紅囊白雪芽。
日鑄貯以小瓶，蠟紙丹印封之。顧渚貯以紅藍縑囊，皆有歲貢。

青村寺

十年淹泊望修門，臨水登山幾斷魂。
短鬢星星身欲老，小樓微月宿青村。

越王樓二首

選二

葡萄酒綠似江流，夜燕唐家帝子樓。
約住筵絃呼羯鼓，要渠打散醉中愁。
思政堂東軒偶題

羈愁酒病兩無聊，小篆吹香已半消。
喚起十年閩嶺夢，蘋花畔見紅蕉。

蘋桐嘉州謂
之百日紅

荔枝樓小酌二首

選二

病與愁兼怯酒船已歌聞罷更悽然此身未死長為客回首夔州又二年
能仁院前有石像丈餘蓋作大像時樣也

江閣欲開千尺像雲龕先定此規模斜陽徙倚空長歎嘗試成功自古無
醉中作四首

選二

駕鶴孤飛萬里風偶然來憇大峨東持杯露坐無人會要青看青天入酒中
秋夜池上作

短髮颼颼病骨輕臨池閒看露荷傾月明何與浮雲事正向圓時故故生
次韻周輔道中二首

選一

山靈喜我馬蹄聲正用此時秋雨晴日淡風斜江上路蘆花也似柳花輕
高秋亭

三日山中醉復醒徑歸回首愧山靈從今惜取觀書眼長看天西萬疊青

夜食炒栗有感

漏舍待朝朝
士往往食此

齒根浮動歎吾衰山栗炮燐療夜飢喚起少年京輦夢和靈門外早朝時

花時遍遊諸家園十首

選一二三四五八九

看花南陌復東阡曉露初乾日正妍走馬碧雞坊裏去市人喚作海棠顚
為愛名花抵死狂只愁風日損紅芳綠章夜奏通明殿乞借春陰護海棠
翩翩馬上帽簷斜盡日尋春不到家偏愛張園好風景半天高柳卧溪花
花陰埽地置清樽爛醉歸來夜已分欲睡未成歌倦枕輪囷帳底見紅雲
宣華無樹著啼鶯惟有摩訶春水生故老能言當日事直將宮錦裏宮城
絲絲紅萼弄春柔不似疎梅只慣愁常恐夜寒花索寞錦茵銀燭按涼州
飛花盡逐五更風不照先生社酒中輸與新來雙燕子銜泥猶得帶殘紅

今年二月二日
社而海棠已過

觀音院讀壁間蘇在廷少卿兩小詩次韻二首

選二

老去癡頑不受鐫姓名身後更須傳世間商略無歸處只合長齋繡佛前

江瀆池納涼

雨過荒池藻荇香月明如水浸胡牀天公作意憐羈客乞與今年一夏涼

讀書二首 選一

面骨崢嶸鬢欲疎，退藏只合卧蜗廬。
自嫌尚有人間意，射雉歸來夜讀書。

寺居睡覺二首 選二

心地安平曉夢長，忽聞漁鼓動修廊。
披衣起坐清羸甚，想像雲堂煮粥香。

僧雜菜餌之屬
作粥名燕粥

雜詠四首 選三

微風翻翻芋葉白，落日漠漠稻花香。
出門縱轡何所詣，萬里橋南追晚涼。

文君井

落魄西州泥酒杯，酒酣幾度上琴臺。
青鞋自笑無羈束，又向文君井畔來。

相如琴臺在成都城中文君井在邛州相傳為卓氏故宅

夜寒二首 選二

斗帳重茵香霧重，膏梁那可共功名。
三更騎報河冰合，鐵馬何人從我行。

記夢二首 選一

烏巾白紵憶當年，抵死尋春不自憐。
顚顚劍南雙鬢改，夢中猶上暗門船。

城南尋梅得四首 選二

黯淡江天雪欲飛，竹籬數掩傍苔磯。清愁滿眼無人說，折得梅花作伴歸。

江上散步尋梅偶得三首 選一 二

小園風月不多寬，一樹梅花開未殘。剝啄敲門嫌特地，緩拖藤杖隔籬看。
鐘殘小院欲消魂，漠漠幽香伴月痕。江上人家應勝此，明朝更出小南門。

萬里橋門一
名小南門

看梅歸馬上戲作五首 選一 四

平明南出笮橋門，走馬歸來趁未昏。漸老更知閒有味，一冬強半在梅村。
江路疎籬已過清，月中霜冷若為情。不如折向金壺貯，畫燭銀燈看到明。

叙州三首 選二

文章何罪觸雷霆，風雨南谿自醉醒。八十年間遺老盡，壞堂無壁草青青。
無等院山
谷故居

雨中遊東坡

木蓮花下竹枝歌，歡意無多感慨多。更恐他年有遺恨，曉來衝雨上東坡。

龍興寺弔少陵先生寓居

中原草草失承平，戊火胡塵到兩京。
扈蹕老臣身萬里，天寒來此聽江聲。
以少陵詩攷之蓋以秋冬間寓此州也寺門聞江聲甚壯

楚城

江上荒城猿鳥悲，隔江便是屈原祠。
一千五百年間事，只有灘聲似舊時。

小雨極涼舟中睡熟至夕

舟中一雨埽飛蠅，半脫綸巾卧翠藤。
清夢初回窗日晚，數聲柔櫓下巴陵。

梅花絕句十首

選三四五六七八九十

折得梅花曉滿顏，文書堆案正如山。
輸君一覺脩然夢，長在清泉白石間。

濯錦江邊憶舊遊，纏頭百萬醉青樓。
如今莫索梅花笑，古驛燈前各自愁。

蜀王小苑舊池臺，江北江南萬樹梅。
只怪朝來歌吹鬧，園官已報五分開。

成都合江園蓋故蜀別苑梅最盛自初開監官日報府報至開五分則府主來宴遊人亦競集

湖上梅花手自移，予所居在山陰鏡湖小橋風月最相宜。
主人歲歲常為客，莫怪幽

香怨不知

吾州古梅舊得名雲蒸雨漬綠苔生一枝只好僧窗看莫售千金入鳳城
山陰古梅枝幹皆苔
蘇郡下甚貴重之

探春歲歲在天涯醉裏題詩字半斜今日溪頭還小飲冷官不禁看梅花
池館登臨雪半消梅花與我兩無聊青羊宮裏應如舊腸斷春風萬里橋
今年真負此花時醉帽何曾插一枝漸老情懷多作惡不堪還作送梅詩

去年在成都
嘗賦詩送梅

雪晴至後園二首 選二

寶馬東風擁犢車碧雞坊裏擅豪華南來強作尋春夢何處如今更有花

園中雜書四首 選四

殘花委地筍掀泥香枕詩囊到處攜幽夢欲成誰喚覺半窗斜日鷓鴣啼

建安遣興六首 選一五六

建安酒薄客愁濃除却哦詩事事慵不許今年頭不白城樓殘角寺樓鐘
綠沉金鎖少時狂幾過秋風古戰場夢裏都忘閩嶠遠萬人鼓吹入平涼
刺虎騰身萬目前白袍濺血尚依然聖時未用征胡將虛老龍門一少年